

ՀԱՂՈՐԴԱԳՐՈՒԹՅՈՒՆ

Ամենայն Հայոց կաթողիկոս Վազգեն Ա-ի հրավերով 1972 թվականի հունիսի 16-ին Մայր Աթոռ ժամանեց Հոռմեական կաթողիկե եկեղեցու պատվիրակությունը, իբրև ներկայացուցիչ Նորին Սրբություն Պողոս Զ Սրբազան Կաթողիկոսին:

Հոռմի սուրբ եկեղեցու Գահակալը, իր պատվիրակներին ողջակերպությամբ և Էջմիածին, ցանկացել էր արտահայտել իր բարձր գնահատանքը այն այցելության համար, որ Նորին Սրբություն Ամենայն Հայոց կաթողիկոսը կատարել էր ի Հոռմ 1970 թվականին:

Պատվիրակության կազմում էին Հոռմի սուրբ Աթոռի Քրիստոնյաների միության քարտուղարության նախագահ, Նորին գերազանցություն կարդինալ Ժան Վիլբրանդսը, Մարտելի արքեպիսկոպոս գերազնորի Ռոմե Էջեգարայը, սուրբ Ղազարի Մխիթարյան միաբանության ընդհանուր քարտուղար հայր Ներսես Տեր-Ներսեսյանը և Քրիստոնյաների միության քարտուղարության գրասենյակի պետ հայր Զոն Լոնգը:

Հոռմի սուրբ Աթոռի բարձր պատվիրակությունը եկել էր՝ Հայոց Հայրապետին բերելու Նորին Սրբություն Պողոս Զ Սրբազան Պապի խաղաղության և եղբայրական սիրո մամակը:

Ուրբաթ օրը, ժամը 18.30-ին, Երևանի օդանավակայանում հարգարժան հյուրերին դիմավորեցին և բարի գալուստ մաղթեցին Արևմտյան Եվրոպայի հայրապետական պատվիրակ տ. Սերովյե արքեպիսկոպոս Մանուկյանը, Արարատյան թեմի առաջնորդական փոխանորդ տ. Կոմիտաս արքեպիսկոպոս Տեր-Ստեփանյանը, Մայր Աթոռի միջեկեղեցական հարաբերությունների բաժնի վարիչ տ. Արսեն վարդապետ Բերբերյանը, ընդհանուր քարտուղար Դարգև Ծախբազյանը և տ. Գևորգ վարդապետ Սերայդարյանը:

Օդանավակայանից հյուրերը առաջնորդվեցին Երևան, կաթողիկոսարանի բնակելի շենքը, որը դրված էր նրանց տրամադրության տակ:

Հետևյալ օրը, շաբաթ, հունիսի 17-ին, առավոտյան ժամը 11-ին, հյուրերը տ. Սերովյե և տ. Կոմիտաս արքեպիսկոպոսների ողջակերպությամբ ժամանեցին և Էջմիածին, ուր զանգերի դողանքների տակ հանդիսավոր կերպով մուտք գործեցին Մայր տաճար և աղոթեցին Իջման սուրբ սեղանի առաջ:

Մայր տաճարում հյուրերին ընդունեց Մայր Աթոռի լուսարարապետ տ. Հուսիկ եպիսկոպոս Սանթրոքյանը՝ շրջապատված Մայր Աթոռի միաբաններով:

Այնուհետև հյուրերը առաջնորդվեցին Վեհարան և ընդունվեցին Ամենայն Հայոց Հայրապետի կողմից:

Բարեկամական կարճ զրույցից հետո հարգարժան հյուրերը դիտեցին Մայր Աթոռի թանգարաններն ու շինությունները, այցելեցին սուրբ Հովհաննես

և սուրբ Գայանե վանքերը և ապա ժամը 15-ին հրավիրվեցին Վեհարան:

Նույն օրը, երեկոյան, Մայր տաճարում տեղի ունեցավ երեկոյան ժամերգություն և ապա՝ Էկումենիկ համատեղ աղոթքի արարողություն, որից հետո հյուրերը ներկա եղան հոգևոր ճեմարանի համդիսարարում իրենց պատվին կազմակերպված ուսանողական հանդեսին:

Հունիսի 18-ին, կիրակի օրը, մեծարգո հյուրերը ներկա եղան Մայր տաճարում ա. պատարագի արարողությանը: Պատարագեց տ. Կոմիտաս արքեպիսկոպոսը: Նորին Սրբությունը քարոզեց և վերջում հավատացյալ ժողովըրդին ներկայացրեց պատվարժան հյուրերին:

Հավարտ ա. պատարագի Վեհարանի զահարարում տեղի ունեցավ համպիսակոր ընդունելություն, որին ներկա էին, բացի հյուրերից, Մայր Աթոռի միաբանությունը, Գերագույն հոգևոր խորհրդի անդամները և Երևանի մշակութային ու հասարակական կազմակերպությունների ներկայացուցիչներ:

Ընդունելությանը ներկա էր ՀՍՍՀ Մինիստրների սովետին առընթեր հայ եկեղեցու գործերի խորհրդի նախագահ Ս. Գասպարյանը:

Գահարարում ողջույնի խոսքով հյուրերին դիմեց տ. Սերովբե արքեպիսկոպոսը, որից հետո Մարսելի արքեպիսկոպոս Ռոմե Էջեգարայը կարդաց Հոռմի Սրբազան Քահանայապետի եղբայրական սիրո ուղերձը՝ ուղղված Հայոց Հայրապետին:

Ապա տեղի ունեցավ պաշտոնական ճառերի փոխանակում Վեհափառ Հայրապետի և կարդիմալ Վիլլբրանդսի միջև:

Ժամը 15-ին Վեհարանի ճաշարարում հյուրերի պատվին տրվեց պաշտոնական ճաշկերույթ:

Նույն օրը, երեկոյան ժամը 18-ին, հյուրերը այցելեցին սուրբ Մեսրոպ Մաշտոցի դամբարան Օջականում:

Հունիսի 19-ին, երկուշաբթի օրը, պատվիրակության անդամները աղոթեցին Ծիծեռնակաբերդի հայ նահատակաց հուշարձանի առջև, ապա եղան Մեսրոպ Մաշտոցի անվան Մատենադարանում և այնտեղից ուղևորվեցին ա. Գեղարդա վանք, ուր նրանց ցույց տրվեց ջերմ ընդունելություն:

Վանքի վանահայրը, ի պատիվ հյուրերի, տվեց ճաշկերույթ:

Պատվիրակության անդամները այցելեցին նաև Գառնի և դիտեցին վերականգնվող հեթանոսական տաճարը:

Նույն օրը, երեկոյան ժամը 20-ին, հյուրերը ներկա եղան իրենց պատվին Մայր տաճարում կազմակերպված հոգևոր համերգին: Մայր տաճարի երգչախումբը, խմբավար պրն. Խորեն Մելյաննեջյանի ղեկավարությամբ, կատարեց հայկական, ռուսական և արևմտաեվրոպական հոգևոր երգեր:

Համերգից հետո Վեհափառ Հայրապետը Վեհարանում ընդունեց կարդիմալ Վիլլբրանդսին և պատվիրակության մյուս անդամներին: Տեղի ունեցավ հուշանվերների փոխանակում, որից հետո Հայոց Հայրապետը, եղբայրական սիրո ողջագործումով, հյուրերին մաղթեց բարի ճանապարհ:

Հաջորդ առավոտյան, հունիսի 20-ին, Երևանի օդանավակայանում Մայր Աթոռի միաբանության և պաշտոնեության ներկայացուցիչները ողջերթ մաղթեցին քարձրաստիճան հյուրերին, որոնք մեկնեցին Հոռմ:

ԴՌՎԱՆ ՄԱՅՐ ԱԹՈՐԻ

21-ը հունիսի 1972 թ.,

Ս. Էջմիածին



ՀԱՅՐԱՊԵՏԱԿԱՆ ԵՔԱՆՇԱՆ Ս. ԳԻԻԳՈՐ ԼՈՒՍԱՎՈՐՅԻ

(Նոր նախագծով, գործ՝ ոսկերիչ Ժիրայր Չուլոյանի, չափսերը՝ 4×5 սմ)